



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Caput I. De Adventu Fratrum Domus Teutonicae in Terram Pruschia. De
Vastatione Terra Colmensis per Pruthenos.

urn:nbn:de:hbz:466:1-11850

II. concessum vide apud Melchiorem Goldastum ab Haiminsfelt.
in *Reichshandlung* fol. 166. seq.

(f) Annulus & insignia Magistro non sunt hic tradita, ritu qvodam creandi Principes, de quali ritu intelligenda sunt illa Saxonis Grammatici, qvando dicit; *Fridericus Barbarossa Boguslaum & Casimiri datus solenniter aquilis Slaviae* (i. e. Pomeraniae) Duces appellavit. lib. XV. *Hist. Dan.* fol. 371. Edit. Hafn. Stephani Stephanii, ut & illa qvando Investitura Episcoporum dicitur fieri per annulum & Baculum. Sed annulus datus est Magistro, ut ipse & successores ejus annulô hōc uterentur, semperque in Electione novo Magistro annulus ille insignium Magisterii traderetur, ut patet ex Privilegio qvodam Ordini, ab Honorio III. Pontifice anno 4. Pontificatus. 8. Cal. Januar. concessio. Conf. & Consuetud. Ordinis ad num. I. ad X. Aquila quoque data est Ordini eo fine, ut illâ in suis insignibus uteretur, qvod etiam factum esse testantur Insignia Ordinis Teutonici.

INCIPIT SECUNDA PARS.

CAPUT I.

*Adventu Fratrum Domus Teutonicæ
in Terram Pruschia.*

*Vastatione Terræ Colmensis per
Pruthenos.*

Tempore quo Nobilis ille ac Illustris Christianissimus Princeps (a) Conradus Dux Principatum tenuit in Masovia, Cujavia & Polonia, fuit qvidam Episcopus de Pruschia (b) Christianus nomine, Ordinis Cisterciensis qui divini verbi semen sapientius sparsit inter Pruthenos, exhortans eos, ut reliqua Idolatria Deum verum colerent Jesum Christum. Sed qvia hoc se-

men

men cecidit in terram non bonam, fructum nullum fecit. Tantum enim erant obstinati in malitia sua, qvod nulla monita salutis eos ab infidelitatis suæ errore poterant revocare. Unum fuit in eis factum laudabile & multiplicitate commendandum, qvod licet ipsi essent infideles & diversos Deos colerent, pacem cum Christianis Vicinis nilominus habuerunt, nec eos in cultura Dei vivi impediebant, nec aliqualiter molestabant. Sed hoc inimicus humani generis pacis æmulus non diu sustinens super seminavit Zizania. Excitavit enim persecutionem (c) durissimam inter eos, ut intra paucos Annos Christi fidelibus partim trucidatis, qvibusdam captis & inservitatem perpetuam deductis paucis fugæ præsidio salvatis terram Colmensem penitus destruentes in solitudinem redegerent.

ANIMADVERSIONES.

AD CAP. I.

(a) In seqventibus Conradum Ducem Masoviæ semper nominat Duxem Poloniæ. Causa sine dubio hæc est. Occiso in Comitiis Gansaviensibus à Syvenopelico Pomeraniæ Duce, Lescò Albô, Conradi hujus fratre circa An. 1226. Placuit Polonis Principatum Poloniæ ad Lesci Albi filium Boleslaum, qui deinde dictus est Pudicus, deferre. Cum autem Principatu per se administrando nondum esset aptus, consultatum est inter Proceres Poloniæ, cuiam tutela Boleslai esset committenda. Quidam favebant Conrado Masoviæ Duci Patruo Boleslai hujus; major verò pars Henrico Barbato Duci Wratislavienst tutelam commisit. Hinc bellum inter Henricum & Conradum de tutela gestum, in quo bis Conradum profligavit Henricus. Sed cum incautius ageret, captus ipse est à Conrado. Hedvigis Coniux Henrici de captivitate mariti certior facta, in Masoviam contendit, cujus precibus emollitus Conradus Henricum è custodia dimisit, postqvam ille interposito jurejurando principatus administratione sese abdicascat. Ex eo tempore Conradus Principatum Minoris Poloniæ ad-

ministrare cœpit. Sed postea circa An. 1234. vicissim ejectus est ab Henrico. Qyoniam itaqve Conradus in Minorie Polonia per aliquid tempus pro tute & Principe sese gessit, ideo, Ducem Poloniae ipsum nominat Dusburgius. Conferatur Martinus Cromerus lib. VIII. de *Ortu & Reb. Geſt. Polon. princ.*

(b) Addit Jeroschinus Christianum hunc à Papa fuisse missum ad convertendos Prussos. Idem habet Author Chronicis Germanici antiqui in 4. qui vixisse videtur sub Paulo Bellizero à Rusdorff Magistro Generali Prussiae. Idem ex Scriptoribus exteris innuit Author Chronicis montis sereni ad An. 1215. pag. 109. Edit. Joach. Johan. Maderi, quando dicit: *Christianus primus post beatum Adelbertum genti Prutenorum Episcopus consecratus est.*

(c) Causam bellis Prussicis Historici recentiores Conradum Masoviæ Ducem præbuuisse referunt. Educaverat Conradum Christianus Palatinus Plocensis, eumque sèpius enormium flagitorum causa reprehenderat. Conradus verò harum reprehensionum tandem pertasus, primò Christianum oculis privavit, tandem etiam è medio sustulit. Hoc facinus ulturi Prussi, arma in Conradum corripunt Masovianique miserè vastant. Hæc Scriptores nostri, penes quos sit hujus rei fides. Aliam causam æque probabilem vide apud D. Cœlestinum Misleniam in Prolegomen. ad *Manuale Prutenicum.*

CAP. II.

Vastatione Terræ Polonicæ.

ET qvia idem Dux principiis non obstitit, nec contra violentos ipsorum ausus & conamina remedium adhibuit opportunum, ad ulteriora & deteriora procedentes invaserunt terram Poloniæ cum magna potentia pugnatorum, tot vicibus & tanta damna intulerunt ei, quod combustis ædificiis homines ætatis adulteri percusserunt gladio & mulieres & parvulos in servitatem perduxerunt, & si forte aliqua matrona grava in partu